

Headline	Bukan sengaja nak tebang pokok		
MediaTitle	Sinar Harian		
Date	07 May 2014	Color	Full Color
Section	Mahkamah	Circulation	40,000
Page No	22	Readership	120,000
Language	Malay	ArticleSize	338 cm ²
Journalist	HIDAYAH HAIROM	AdValue	RM 5,141
Frequency	Daily	PR Value	RM 15,423



'Bukan sengaja nak tebang pokok'

DBKL beri penjelasan isu Taman Rimba Kiara, pokok ditebang agar tiada risiko keselamatan terhadap pengunjung

■ HIDAYAH HAIROM

KUALA LUMPUR - "Pokok-pokok itu bukan sengaja ditebang, tetapi kerana sudah mati dan membahayakan pengunjung," demikian tegas Pengarah Jabatan Lanskap dan Rekreasi Dewan Bandaraya Kuala Lumpur (DBKL), Mustafa Mohd Nor, mengulas isu penebangan pokok di Taman Rimba Kiara yang menimbulkan rasa kurang senang penduduk setempat.

Beliau berkata, penebangan pokok-pokok berusia lebih 10 tahun itu merupakan sebahagian daripada rutin penyelenggaraan pokok yang dilakukan jabatannya.

Menurutnya, musim kemarau sebelum ini menyebabkan pokok-pokok di situ banyak yang sakit dan tidak boleh terus hidup dengan sempurna.

"Sifat pokok ini, jika mati akan kering di bahagian atas dahulu, jadi lama kelamaan ia akan mati dan boleh undang

risiko tumbang.

"Jadi ia ditebang sebagai langkah awal, tambahan pula kedudukannya di antara pokok-pokok lain dan tidak begitu menjejaskan suasana redup.

"Perkara ini telah dijelaskan kepada persatuan penduduk Taman Tun Dr Ismail (TTDI) dan mereka menerimanya dengan baik," katanya kepada *Sinar Harian*.

Sebelum ini *Sinar Harian* melaporkan luahan penduduk TTDI yang tidak senang dengan tindakan itu yang dalam masa sama mendakwa tujuan pokok-pokok itu ditebang adalah untuk tujuan pembangunan kediaman.

"Kurang daripada 30 batang yang ditebang, bukannya 50 seperti yang didakwa," katanya.

Dalam pada itu, Mustafa berkata, selain pemantauan pokok-pokok secara kasar, jabatannya juga membuat pe-

meriksaan pokok menggunakan peralatan khas dengan kerjasama Institut Penyelidikan Perhutanan Malaysia (FRIM).

"Lilitan akan dibuat di pokok-pokok besar sebelum diketuk untuk mengenal pasti rongga dalam batang pokok.

Ini untuk tujuan pemuliharaan pokok-pokok lama dalam masa sama sebagai langkah mengelakkan pokok tumbang," katanya.



Penebangan pokok-pokok di Taman Rimba Kiara merupakan sebahagian rutin penyelenggaraan dilakukan Jabatan Lanskap dan Rekreasi DBKL.